

- iii. производња оружја и муниције,
- iv. трговина на велико и мало,
- v. изнајмљивање и давања у закуп (лизинг) аутомобила и моторних возила (rent-a car).

Овај Програм ће се примјењивати од 01.06.2021. године.

V. КОРИСНИЦИ ПРОГРАМА

Програм се односи на издавање гаранција за кредитна средства предузећима и обртима из области пољопривреде, прехрамбене индустрије и пољопривредне задруге, чије је сједиште на подручју Федерације БиХ.

Подносиоци захтјева за издавање гаранција по Програму не могу бити обрти односно привредна друштва и пољопривредне задруге над којима је покренут стечајни поступак или поступак ликвидације, привредна друштва која подлијежу неизвршеном налогу за поврат средстава, као ни јавна предузећа било којег нивоа у Федерацији Босне и Херцеговине.

Гаранције Фонда не могу се издавати корисницима кредита који:

- a) имају доспјеле а неизмирене обавезе по основу доприноса, директних и индиректних пореза, а за које нису закључени споразуми о оброчном плаћању дуга и/или који уредно не измирују доспјеле обавезе по споразуму;
- b) су исплатили добит, односно дивиденду у периоду од 29.02.2020. године до 30.06.2021. године или у било којем другом периоду од 12 мјесеци прије подношења захтјева за кредит који се подноси након 30.06.2021. године у постотку већем од 50% од укупног износа добити, односно дивиденде, осим ако је дивиденда исплаћена у дионицама корисника кредита;
- c) су дужници, судужници или јемци по другим кредитима или финансијском лизингу који нису распоређени у ниво кредитног ризика 1 или 2;
- d) су у већинском власништву чланова Парламентарне скупштине Босне и Херцеговине, Вијећа министара Босне и Херцеговине, Парламента Федерације Босне и Херцеговине, Владе Федерације БиХ, Управе и Надзорног одбора РБ ФБиХ.

VI. РАСПОЛОЖИВА СРЕДСТВА

Укупан износ гаранција по овом Програму не може прелазити износ од 100.000.000,00 КМ умањен за износ гаранција које су издате до 31.5.2021. године по основу Кредитно гарантног програма за пољопривреду и прехрамбену индустрију ("Службене новине Федерације БиХ", број 65/20).

Укупан износ гарантованих обавеза Фонда према једном предузетнику или групи повезаних предузетника не може бити већи од 5.000.000,00 КМ. Гаранција Фонда за појединачни кредит износи 50% износа главнице кредита, али не више од 3.000.000,00 КМ.

За кредите који буду одобрени са валутном клаузулом у некој страниој валути, гаранција Фонда се може издати само за кредите уз валутну клаузулу за ЕУР. Кредити за које се издају гаранције Фонда морају имати утврђен распоред отплате, укључујући редовне једнаке мјесечне отплате и/или једнократне отплате.

VII. ПРОЦЕДУРА ИЗДАВАЊА ГАРАНЦИЈЕ

Предузећа и обрти из области пољопривреде и прехрамбене индустрије и пољопривредне задруге подносе захтјев за одобравање кредита комерцијалној банци.

Поред Захтјева за одобравање кредита, клијент је дужан доставити документацију коју од њега тражи комерцијална банка у циљу утврђивања кредитне способности, те испуњавању услова у складу са Уредбом, Програмом и закљученим Уговором о пословној сарадњи са РБ ФБиХ.

Комерцијална банка у складу са својим интерним актима процјењује кредитну способност корисника кредита, одређује каматну стопу, те процјењује и договара инструменте осигурања, уз услов да се мјенице тражиоца кредита могу прихватити као једини инструмент обезбјеђења кредита, поред гаранције Фонда за кредите до висине од 300.000,00 КМ.

По одобравању кредитног захтјева од стране комерцијалне банке, иста шаље одлуку о кредиту према РБ ФБиХ. Право на гаранцију не постоји, већ РБ ФБиХ о сваком захтјеву доноси појединачну одлуку након провјере испуњавања услова прописаних Уредбом, Програмом и уговором о пословној сарадњи закљученим са комерцијалном банком, у циљу издавања гаранције Фонда. РБ ФБиХ је дужна прописати интерне процедуре за подношење и документовање захтјева за издавање гаранција Фонда.

Укупну финансијску корист гаранције Фонда у оквиру сваког кредита, комерцијална банка преноси на корисника кредита у облику смањења каматне стопе и/или смањења колатерала који захтијева за дати кредит.

Провизија за издавање гаранције Фонда по овом Програму износи 0,15% од номиналног износа гаранције Фонда. Исту плаћа комерцијална банка у име корисника кредита као једнократну накнаду.

Премија ризика за гаранцију по овом Програму износи 0,60%. Премију ризика обрачунава РБ ФБиХ на недоспјели износ главнице кредита за коју је дана гаранција Фонда за сваку годину трајања гаранције Фонда и коју комерцијална банка плаћа у име корисника кредита на кварталној основи (квартално унапријед, на почетку квартала за тај квартал).

VIII. НАДЗОР И МЈЕРЕЊЕ УЧИНАКА

У сарадњи са комерцијалном банком, РБФБиХ надзире намјенско коришћење и уредну отплату кредита за који су дате гаранције Фонда, те надзире и проводи поступак поврата средстава по основу плаћених гаранција Фонда, а све у складу са закљученим уговорима о пословној сарадњи са комерцијалним банкама. Предлагач Програма ће на крају важења овог програма извјестити Владу Федерације Босне и Херцеговине о учинцима које су ове мјере произвеле.

IX. ОБЈАВЉИВАЊЕ АКТА

Федерално министарство пољопривреде, водопривреде и шумарства ће овај Програм и Одлуку о усвајању Програма објавити на веб страници министарства: www.fmpvs.gov.ba.

Министар

Мр sc. Шемсудин Дедић, с. р.

Na osnovu člana 19. stav (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), i člana 13. stav (1) i (2) Uredbe o načinu finansiranja i upravljanja Garancijskim fondom ("Službene novine Federacije BiH", broj 44/20), na prijedlog Federalnog ministarstva poljoprivrede, vodoprivrede i šumarstva, Vlada Federacije Bosne i Hercegovine, na 286. sjednici održanoj 21.10.2021. godine, donosi

ODLUKU**O USVAJANJU KREDITNO-GARANTNOG PROGRAMA ZA POLJOPRIVREDU I PREHRAMBENU INDUSTRIJU****I.**

Usvaja se Kreditno-garantni program za poljoprivredu i prehrambenu industriju (u daljem tekstu: Program).

Program iz stava (1) ove tačke je sastavni dio ove Odluke.

II.

Ukupan iznos garancija po Programu iz tačke I. ove odluke koje će na teret Garancijskog fonda izdavati Razvojna banka Federacije Bosne i Hercegovine iznosi 100.000.000,00 KM, umanjen za iznos garancija koje su izdate do 31.05.2021. godine po osnovu Kreditno-garantnog programa za poljoprivredu i prehrambenu industriju ("Službene novine Federacije BiH", broj 65/20).

III.

Korisnici Programa su preduzeća i obrti iz oblasti poljoprivrede i prehrambene industrije i poljoprivredne zadruge.

IV.

Za realizaciju ove Odluke zadužuju se Federalno ministarstvo finansija, Razvojna banka Federacije Bosne i Hercegovine i Federalno ministarstvo poljoprivrede, vodoprivrede i šumarstva, svako u okviru svoje nadležnosti.

V.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 1593/2021

21. oktobra 2021. godine

Sarajevo

Premijer

Fadil Novalić, s. r.

BOSNA I HERCEGOVINA

FEDERACIJA BOSNE I HERCEGOVINE

Federalno ministarstvo poljoprivrede, vodoprivrede i šumarstva

KREDITNO-GARANTNI PROGRAM ZA POLJOPRIVREDU I PREHRAMBENU INDUSTRIJU

Sarajevo, oktobar 2021. godine

I. UVOD

Kreditno - garantnim programom za poljoprivredu i prehrambenu industriju (u daljem tekstu: Program) definišu se zakonodavni okvir, cilj, namjena, korisnici Programa, uslovi izdavanja garancija, raspoloživa sredstva, procedura izdavanja garancije i kriteriji, namjensko korištenje, nadzor i mjere učinka, kao jedna od mjera pomoći poljoprivredi i prehrambenoj industriji Federacije Bosne i Hercegovine. Program se odnosi na dodjelu garancija preduzećima i obrtima iz oblasti poljoprivrede i prehrambene industrije i poljoprivrednim zadrugama.

Sredstva za provođenje i realizaciju Programa su obezbijedena kroz Garancijski fond (u daljem tekstu: Fond) kojim upravlja Vlada Federacije Bosne i Hercegovine i administrira Razvojna banka Federacije Bosne i Hercegovine (u daljem tekstu: RB FBiH). Fond je uspostavljen na osnovu Zakona o ublažavanju negativnih ekonomskih posljedica ("Službene novine Federacije BiH", broj 28/20), RB FBiH u ime i za račun Federacije provodi postupak izdavanja garancija Fonda, izvršava obaveze po osnovu izdatih garancija, vrši izvještavanje, kao i druge poslove shodno odredbama Uredbe o načinu finansiranja i upravljanja Garancijskim fondom ("Službene novine Federacije BiH", broj 44/20).

II. ZAKONODAVNI OKVIR

- Zakon o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06);
- Uredba o načinu finansiranja i upravljanja Garancijskim fondom ("Službene novine Federacije BiH", broj 44/20).

III. CILJ PROGRAMA

Osnovni cilj je da se u uslovima otežanog poslovanja obezbijedi podrška preduzećima i obrtima iz oblasti poljoprivrede i prehrambene industrije i poljoprivrednim zadrugama za pokretanje novih poslovnih aktivnosti, rastu i razvoju postojećih aktivnosti, povećanju konkurentnosti, inovacijama i zapošljavanju.

IV. NAMJENA SREDSTAVA PROGRAMA I TRAJANJE

Garancije Fonda u skladu sa ovim Programom mogu se izdavati za kredite sa namjenom finansiranja tekućih i/ili za finansiranje stalnih sredstava.

Pod tekućim sredstvima u smislu ovog Programa podrazumijeva se finansiranje tekuće likvidnosti (isplate plaća, plaćanje poreza i doprinosa i sl.) i finansiranje obrtnih sredstava (plaćanje obaveza prema dobavljačima, nabavka repromaterijala, zaliha, sirovina i sl.).

Rok otplate kredita je do 60 mjeseci, uključujući grace period do 12 mjeseci.

Pod stalnim sredstvima u smislu ovog Programa podrazumijeva se dugoročno finansiranje nabavke opreme, izgradnje/renoviranja i adaptacije objekata i sl., a u cilju:

- a) pružanja podrške na pokretanju novih poslovnih aktivnosti,
- b) rastu i razvoju postojećih aktivnosti,
- c) povećanju konkurentnosti,
- d) inovacijama,
- e) i zapošljavanju.

Rok otplate kredita za stalna sredstva je do 120 mjeseci, uključujući grace period do 24 mjeseci. U strukturi odobrenog kredita, do 30% se može odnositi i na finansiranje tekućih sredstava.

Garancije Fonda ne mogu se izdavati za kredite namijenjene za:

- a) kupovinu zemljišta i poslovnih prostora;
- b) kupovinu poslovnih udjela ili dionica;
- c) finansiranje transakcija između korisnika kredita i sa njim povezanih lica;
- d) refinansiranju postojećih kreditnih obaveza i obaveza po osnovu finansijskog lizinga;
- e) finansiranje djelatnosti kao što su:
 - i. proizvodnja duhana i destiliranih alkoholnih pića, te povezanih proizvoda i trgovina njima,
 - ii. igre na sreću, kockanje, klađenje i kasina,
 - iii. proizvodnja oružja i municije,
 - iv. trgovina na veliko i malo,
 - v. iznajmljivanje i davanje u zakup (lizing) automobila i motornih vozila (rent-a car).

Ovaj Program će se primjenjivati od 01.06.2021. godine.

V. KORISNICI PROGRAMA

Program se odnosi na izdavanje garancija za kreditna sredstva preduzećima i obrtima iz oblasti poljoprivrede, prehrambene industrije i poljoprivredne zadruge, čije je sjedište na području Federacije BiH.

Podnosioci zahtjeva za izdavanje garancija po Programu ne mogu biti obrti odnosno privredna društva i poljoprivredne zadruge nad kojima je pokrenut stečajni postupak ili postupak likvidacije, privredna društva koja podliježu neizvršenom nalogu

za povrat sredstava, kao ni javna preduzeća bilo kojeg nivoa u Federaciji Bosne i Hercegovine.

Garancije Fonda ne mogu se izdavati korisnicima kredita koji:

- a) imaju dospjele a neizmirene obaveze po osnovu doprinosa, direktnih i indirektnih poreza, a za koje nisu zaključeni sporazumi o obročnom plaćanju duga i/ili koji uredno ne izmiruju dospjele obaveze po sporazumu;
- b) su isplatili dobit, odnosno dividendu u periodu od 29.02.2020. godine do 30.06.2021. godine ili u bilo kojem drugom periodu od 12 mjeseci prije podnošenja zahtjeva za kredit koji se podnosi nakon 30.06.2021. godine u postotku većem od 50% od ukupnog iznosa dobiti, odnosno dividende, osim ako je dividenda isplaćena u dionicama korisnika kredita;
- c) su dužnici, sudužnici ili jemci po drugim kreditima ili finansijskom lizingu koji nisu raspoređeni u nivo kreditnog rizika 1 ili 2;
- d) su u većinskom vlasništvu članova Parlamentarne skupštine Bosne i Hercegovine, Vijeća ministara Bosne i Hercegovine, Parlamenta Federacije Bosne i Hercegovine, Vlade Federacije BiH, Uprave i Nadzornog odbora RB FBiH.

VI. RASPOLOŽIVA SREDSTVA

Ukupan iznos garancija po ovom Programu ne može prelaziti iznos od 100.000.000,00 KM umanjen za iznos garancija koje su izdate do 31.5.2021. godine po osnovu Kreditno garantnog programa za poljoprivredu i prehrambenu industriju ("Službene novine Federacije BiH" broj 65/20).

Ukupan iznos garantovanih obaveza Fonda prema jednom poduzetniku ili grupi povezanih poduzetnika ne može biti veći od 5.000.000,00 KM. Garancija Fonda za pojedinačni kredit iznosi 50% iznosa glavnice kredita, ali ne više od 3.000.000,00 KM.

Za kredite koji budu odobreni sa valutnom klauzulom u nekoj stranoj valuti, garancija Fonda se može izdati samo za kredite uz valutnu klauzulu za EUR. Krediti za koje se izdaju garancije Fonda moraju imati utvrđen raspored otplate, uključujući redovne jednake mjesečne otplate i/ili jednokratne otplate.

VII. PROCEDURA IZDAVANJA GARANCIJE

Preduzeća i obrti iz oblasti poljoprivrede i prehrambene industrije i poljoprivredne zadruge podnose zahtjev za odobravanje kredita komercijalnoj banci.

Pored zahtjeva za odobravanje kredita, klijent je dužan dostaviti dokumentaciju koju od njega traži komercijalna banka u cilju utvrđivanja kreditne sposobnosti, te ispunjavanju uslova u skladu sa Uredbom, Programom i zaključenim Ugovorom o poslovnoj saradnji sa RB FBiH.

Komercijalna banka u skladu sa svojim internim aktima procjenjuje kreditnu sposobnost korisnika kredita, određuje kamatnu stopu, te procjenjuje i dogovara instrumente osiguranja, uz uslov da se mjenice tražioca kredita mogu prihvatiti kao jedini instrument obezbjeđenja kredita, pored garancije Fonda za kredite do visine od 300.000,00 KM.

Po odobravanju kreditnog zahtjeva od strane komercijalne banke, ista šalje odluku o kreditu prema RB FBiH. Pravo na garanciju ne postoji, već RB FBiH o svakom zahtjevu donosi pojedinačnu odluku nakon provjere ispunjavanja uslova propisanih Uredbom, Programom i ugovorom o poslovnoj saradnji zaključenim sa komercijalnom bankom, u cilju izdavanja garancije Fonda. RB FBiH je dužna propisati interne procedure za podnošenje i dokumentovanje zahtjeva za izdavanje garancija Fonda.

Ukupnu finansijsku korist garancije Fonda u okviru svakog kredita, komercijalna banka prenosi na korisnika kredita u obliku smanjenja kamatne stope i/ili smanjenja kolaterala koji zahtijeva za dati kredit.

Provizija za izdavanje garancije Fonda po ovom Programu iznosi 0,15% od nominalnog iznosa garancije Fonda. Istu plaća komercijalna banka u ime korisnika kredita kao jednokratnu naknadu.

Premija rizika za garancije po ovom Programu iznosi 0,60%. Premiju rizika obračunava RB FBiH na nedospjeli iznos glavnice kredita za koju je dana garancija Fonda za svaku godinu trajanja garancije Fonda i koju komercijalna banka plaća u ime korisnika kredita na kvartalnoj osnovi (kvartalno unaprijed, na početku kvartala za taj kvartal).

VIII. NADZOR I MJERENJE UČINAKA

U saradnji sa komercijalnom bankom, RBFBiH nadzire namjensko korištenje i urednu otplatu kredita za koji su date garancije Fonda, te nadzire i provodi postupak povrata sredstava po osnovu plaćenih garancija Fonda, a sve u skladu sa zaključenim ugovorima o poslovnoj saradnji sa komercijalnim bankama.

Predlagač Programa će na kraju važenja ovog programa izvijestiti Vladu Federacije Bosne i Hercegovine o učincima koje su ove mjere proizvele.

IX. OBJAVLJIVANJE AKTA

Federalno ministarstvo poljoprivrede, vodoprivrede i šumarstva će ovaj Program i Odluku o usvajanju Programa objaviti na web stranici ministarstva: www.fmpvs.gov.ba.

Ministar

Mr. sc. Šemsudin Dedić, s. r.

Temeljem članka 19. stavak (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), i članka 13. stavak (1) i (2) Uredbe o načinu financiranja i upravljanja Garancijskim fondom ("Službene novine Federacije BiH", broj 44/20), na prijedlog Federalnog ministarstva poljoprivrede, vodoprivrede i šumarstva Vlada Federacije Bosne i Hercegovine, na 286 sjednici održanoj 21.10.2021. godine, donosi

ODLUKU

O USVAJANJU KREDITNO-GARANTNOG PROGRAMA ZA POLJOPRIVREDU I PREHRAMBENU INDUSTRIJU

I.

Usvaja se Kreditno-garantni program za poljoprivredu i prehrambenu industriju (u daljnjem tekstu: Program).

Program iz stavka (1) ove točke je sastavni dio ove Odluke.

II.

Ukupan iznos garancija po Programu iz točke I. ove Odluke koje će na teret Garancijskog fonda izdavati Razvojna banka Federacije Bosne i Hercegovine iznosi 100.000.000,00 KM, umanjen za iznos garancija koje su izdate do 31.05.2021. godine po osnovu Kreditno-garantnog programa za poljoprivredu i prehrambenu industriju ("Službene novine Federacije BiH", broj 65/20).

III.

Korisnici Programa su poduzeća i obrti iz oblasti poljoprivrede i prehrambene industrije i poljoprivredne zadruge.

IV.

Za realizaciju ove Odluke zadužuje Federalno ministarstvo financija, Razvojna banka Federacije Bosne i Hercegovine i Federalno ministarstvo poljoprivrede, vodoprivrede i šumarstva, svako u okviru svoje nadležnosti.